

Lävve passeet

Musik und Text: Nils Schreiber

© 2017 Edition Miljö / Edition Rhingtön, Koch Musikverlage GmbH

Zu eets kütt et anders un dann als mer denk
d'rüm zerbrich d'r nit ständig dä Kopp

Do läufs, do stolpers, do fällt, doch am Engk
weiß do, steihs do vun selvs widder op

Die Stroß, die do jeihs, föhrt nit immer jraduss,
manchmol bruchs do en helfende Hand

Halt dä Hals üvver Wasser em rießende Fluss,
irgendwann küss do widder aan Land

Lävve passeet - Oh

Scheiß drop, wat weed - Oh

Et läuf nie noh Plan un dat schöne dodran:

Morje fröh jeiht de Sonn widder op

Lävve passeet - Oh

Scheiß drop, wat weed - Oh

**Maach dich nit verrück, weil et doch anders kütt,
vun e bissche mih Chaos jeiht de Welt nit kapott**

Denk nit an morje, an dat, wat doh kütt,
denn et Schicksal mäht eh, wat et will

Un wirf dich dä Zofall ens widder zoröck,
irgendwie küss do immer aan't Ziel